



A Chómhúinteoir, a chara,
Beannachtaí ó Fhoireann na Gaeilge Iar-bhunscoile an GhaelAonaid. Tá an t-earrach buailte linn. Go raibh maith agat as clárú le cor poist a fháil uainn. Seo hé cor poist mhí Feabhra. Tá súil againn go mbeidh sé tairbheach do gach aon duine.



Seanfhocal na Míosa

Má chuireann tú san Earrach,
bainfidh tú san Fhómhar.


Eispéiris Foghlama Gairmiúla 2025/2026

Cuireadh tús le soláthar EFGanna Gaeilge 2025/2026 ó thús mhí Dheireadh Fómhair 2025 d' iar-bhunscoileanna. Ba mhaith linn ár mbuíochas a ghabháil libh agus guímid an rath oraibh ag cur na foghlama i bhfeidhm. Ábhar na bliana seo ná 'Luach na Léitheoireachta mar chuid den Chur Chuige Comhtháite' ina raibh scil na léitheoireachta, an díchódú agus an Dearadh Uilíoch don Fhoghlaim mar chuid de. Seo hé an nasc chuig an ábhar foghlama gairmiúla sin.



Instagram

Tá cuntas Instagram ag an nGaelAonad. Bígí dár leanúint ag @oidegaelaonad nó gheobhaidh tú rochtain ar an leathanach ón gcód mearfhreagartha chun an t-eolas agus an nuacht is déanaí a fháil mar aon le fáil amach faoin na heispéiris foghlama gairmiúla atá ar siúl sa GhaelAonad.



@OIDEGAELAONAD



Bláthú Teanga í a Léamh 5: Spléachadh ar ‘An Féileacán agus an Crann Úll’

Mar chuid den tsraith d’eispéiris foghlama gairmiúla (EFG) ar an ábhar dualgais do scrúdú Gaeilge na hArdteistiméireachta, beidh Bláthú Teanga í a Léamh 5 ag tabhairt spléachadh ar an ngearrdhráma ‘An Féileacán agus an Crann Úll’ le Mícheál Mac Cárthaigh.

San EFG seo, déanfar iniúchadh ar na bealaí ar féidir an litríocht a úsáid mar acmhainn teanga le scileanna teanga scoláirí a fhorbairt. Pléifear cleachtais ionchuimsitheacha agus straitéisí comhoibríocha a chabhróidh leat freastal ar na foghlaimeoirí ar fad sa seomra ranga Gaeilge. Cláraígh tríd an nasc [seo](#).

 Oide Tacú leis an bhFoghlaim Ghairmiúil i measc Ceannairí Scoile agus Múinteoirí Supporting the Professional Learning of School Leaders and Teachers

‘Bláthú Teanga í a Léamh...’

Beidh sraith d’eispéiris foghlama gairmiúla (EFG) ar siúl faoin Chiorclán 0071/2025: Ábhar Dualgais do Scrúdú Gaeilge na hArdteistiméireachta i mí an Mheithimh 2027 agus 2028

EFG Idirghníomhach ar Zoom*
Lion leoranta ábhartha

Fiosrófar bealaí le litríocht a úsáid mar acmhainn teanga i bhforbairt scileanna teanga le béim ar an gcur chuige comhtháite.

Spléachadh ar ‘An Féileacán agus an Crann Úll’

Bláthú Teanga í a Léamh 5: Spléachadh ar ‘An Féileacán agus an Crann Úll’	
Dáta	Am
Déardaoin 12 Feabhra 2026*	16:30-17:30
Déardaoin 12 Feabhra 2026*	18:30-19:30
Dé Luain 23 Feabhra 2026*	16:30-17:30
Dé Luain 23 Feabhra 2026*	18:30-19:30
Dé Máirt 3 Márta 2026*	16:30-17:30
Dé Máirt 3 Márta 2026*	18:30-19:30

*Is ionann ábhar na nEFGanna thuasluaite ar fad.

Cuir d’áit in áirithe do do rogha EFG **amháin** acu tríd an gcód MF a scanadh nó trí chuairt a thabhairt ar <https://oide.ie/ga/muinteoiri/> Bheadh sé fiúntach an t-ábhar dualgais a iniúchadh roimh ré.





Spreagadh: Sraith Foghlama Oide 23-28 Feabhra

Tugann Oide cuireadh do mhúinteoirí agus do cheannairí scoile a bheith páirteach in Spreagadh, Sraith Foghlama Oide idir an 23 agus an 28 Feabhra. Clár náisiúnta é lán d'imeachtaí fuinniúla a spreagann cruthaitheacht, a chruthaíonn spás don fhás agus don fhoghlaim phearsanta. Tá tuilleadh eolais ar fáil [anseo](#).

Seo sampla den mhéid a bheidh ar fáil le linn na seachtaine:

- IS i seomra ranga na heolaíochta
- Mór-Phictiúir den Stair
- Meadow Makers i gcomhar le Wildacres
- Cleachtas Ciorcail a Úsaid sa seomra ranga Bunscoile
- IS do cheannairí
- Ag eiseamláiriú le Python
- Uirlisí Eolaíochta - Táirg, Tóg leat agus Teagasc
- Contanam na Foghlama ar Obair: Painéal faoi stiúir scoláirí
- An Bhearna a shárú - Am Machnaimh idir Ceannairí Scoile agus MNCanna

Club Cleite na Múinteoirí

Beidh Fighting Words agus Oide Creativity ag cur seisiún scríbhneoireachta ar fáil do mhúinteoirí. Bhí an chéad seisiún ar siúl ar an 5 Feabhra. Féadfaidh múinteoirí meánscoile nó bunscoile a bheith páirteach sna seisiúin seo a bheidh ar siúl ar líne ar na dátaí amach seo: 4 Márta, 16 Aibreán ó 7i.n. – 8.30 i.n.

Is deis atá ann do mhúinteoirí:

- Tabhairt faoin scríbhneoireacht chruthaitheach
- Cleachtas cruthaitheach sa seomra ranga a phlé le múinteoirí eile
- Foghlaim ó na haoi-scríbhneoirí Anna Heussaf agus Alex Hijmans

Tá tuilleadh eolais ar fáil [anseo](#).



Dáta don Dialann: Tionól Teagaisc 2026

Is cúis áthais d'Oide a fhógairt go mbeidh Tionól Teagaisc 2026 ar siúl ar an 7 Samhain, 2026 in Óstán Killeshin, Port Laoise, Co. Laoise, R32 TYW7. Déan nóta den dáta i do dhialann agus scaip an scéal! Tá múinteoirí Gaeilge á lorg againn a bheidh toilteanach a gcuid cleachtais a roinnt le múinteoirí Gaeilge eile. Foilseofar foirm um léiriú spéise go luath.

Ábhar Dualgais do Scrúdú Gaeilge na hArdteistiméireachta 2027 agus 2028

Déanaigí fiosrú ar na tacaíochtaí atá cruthaithe ag an gComhairle Um Oideachas Gaeltachta agus Gaelscolaíochta i gcomhar le TG4 Foghlaim le tacú leat ciorclán 0071/2025 a chur i bhfeidhm don Ábhar Dualgais do Scrúdú Gaeilge na hArdteistiméireachta i mí an Mheithimh 2027 agus mí an Mheithimh 2028. Tá na hacmhainní ar fáil [anseo](#).

Gaeilge sa tSraith Shinsearach - Tráinse a 4

Mar chuid den athfhorbairt ar an tSraith Shinsearach, táthar ag súil go gcuirfear an tsonraíocht nua le haghaidh Ghaeilge na hArdteistiméireachta i bhfeidhm i scoileanna ó Mheán Fómhair 2028. Beidh ról lárnach ag meitheal forbartha Gaeilge na hArdteistiméireachta san obair seo. Is féidir eolas a fháil ar an obair forbartha ábhair [anseo](#).

Scoláireacht PhD Sealbhú

Tá dhá scoláireacht PhD le bronnadh ar dhaoine gur mhaith leo taighde a dhéanamh le Sealbhú Ollscoil Chathair Bhaile Átha Cliath. Tá scoláireacht amháin dírithe ar theagasc agus ar fhoghlaim na Gaeilge i gcomhar le plan gnímh don Ghaeilge sna scoileanna meán-Bhéarla. Tá an dara scoláireacht dírithe ar theagasc agus ar an bhfoghlaim i suíomhanna meán-Bhéarla nó i suíomhanna Gaeltachta/lán-Ghaeilge. Is é an spriocdháta chun iarratas a chur isteach ná 5.00i.n. ar an 23 Márta 2026. Tá tuilleadh eolais ar fáil [anseo](#).



Seachtain na Gaeilge 1 - 17 Márta 2026

Tá leabhrán Sheachtain na Gaeilge ar fáil ar shuíomh Oide. Tá neart acmhainní ar fáil ann chun tacú le múinteoirí le linn Sheachtain na Gaeilge. Tá nasc don leabhrán ar fáil [anseo](#).



Tá súil againn go raibh briseadh lárthéarma suaimhneach ag gach éinne. Má ritheann aon cheist leat, fáiltímid roimh chomhfhreagras uait. Níl le déanamh agat ach ríomhphost a sheoladh chuig eolas@oide.ie

Is muidne le meas,
Foireann na Gaeilge Iar-bhunscoile, GaelAonad, Oide.
Ní haon ualach í an fhoghlaim